

Spero in te, o Bonitas infinita, teque per inexhaustam misericordiam tuam veniam, gratiam et gloriam mihi promissam, daturum confido.

Amo te et amabo te, o Fons omnis boni, et omnia quae tu amas amabo propter te; quia tu omni amore dignus es.

Gaudeo de infinita perfectione, beatitudine et amabilitate tua, et de omni obsequio, laude, honore et gloria tibi ab Electis tuis et creaturis omnibus umquam redditâ et in æternum reddenda.

Te, tuumque beneplacitum in omnibus amplector, omnique possibili reverentia, fiducia, amoris et pietatis affectu veneror et exosculari.

Quidquid in me est affectus erga creaturas in te solum Deum meum, in Sacramento tuo erga nos tam amabilem, transferro; quidquid egero, quidquid passus fuero, in æternum cedat ad tuam gloriam.

Totus sum tuus; fac de me quidquid vis nunc et in æternum. Amen.

Anima Christi, etc. pag. 45.

### Commendatio sui SS. Cordi Jesu.

Commendo me tibi, o bone Jesu! intra mellifluum Cor tuum absconde me, nec permitte me umquam separari a te. Sis mihi in vita solarium, in morte viaticum, in æternitate præmium. Id rogo te pro me, et omnibus amicis meis, per Lacrymas, Sudorem et Sanguinem tuum pretiosissimum. Amen.

### Oratio ad B. M. V.

Sanctissima Virgo Maria, Virgo fidelis, quæ numquam gratiæ defuisti, et nobis in cunctis ades necessitatibus, pro me Dominum Jesum ora, ut per quotidianam augustinissimi Mysterii celebrationem et

sanctissimam ejus Corporis et Sanguinis sumptu-nem, in sanctis propositis firmus, usque in finem viam mandatorum ejus inoffenso pede percurram. Amen.

### Oratio ad Sanctos.

Intercedant pro me, Domine Jesu Christe, S. Angelus Custos, S. Joseph, SS. Patroni mei NN. et Sanctus N., ut per virtutem salvifici hujus Sacramenti spiritus orationis et fervoris mihi largiatur, et semper de tanto Mysterio illud credam, illud sentiam et firmiter teneam, quod tibi placet et expedit animæ meæ. Amen.

### DIES XIII.

### ANTE MISSAM.

O venerabilis sanctitudo manuum! O felix exercitium! qui creavit me, si fas est dicere, dedit mihi creare se; et qui creavit me sine me, ipse creavit se mediante me. (S. Aug. in Ps. 37.)

Potestas sacerdotis est sicut potestas Divinorum Personarum, quia in transubstantiatione panis tanta requiritur virtus quanta in mundi creatione (S. Bernardinus Sen. Tom. I. Serm. 20.)

### Oratio preparatoria

O Sanctissime Jesu! Ego miser peccator, spiritu egenus idoneisque affectibus destitutus, celebrandi vero munere longe indignissimus, offero tibi omnium Sanctorum et Electorum tuorum piissimos affectus, quos umquam elicuerunt, aut modo eliciunt, ac deinceps eliciunt; omnes virtutum actus, quos in hoc tam tremendo Mysterio decet exercere, obserans te, per pretiosissimum Sanguinem ac Mortem tuam, ut di-

mittas quæ conscientia agnoscit vel metuit, et adjicias quod oratio non præsumit. Et quia tu, Domine Iesu Christe, in sacratissimo Missæ Sacrificio primarius es Offerens et Mediator inter Deum et homines, dignare, obsecro, totius humani generis, atque adeo creaturarum omnium nomine, te ipsum, infinite gratum, offerre æterno Patri, una cum omnibus meritis et actibus internis et externis Passionis, Mortis et Vitæ tue: idque amore illo perfectissimo, quo Illum Deus et Homo semper amasti, amabisque in omnem æternitatem. Amen.

**Oblatio sui-ipsius,**

**EX IMITATIONE CHRISTI.**

Domine Iesu Christe, in simplicitate cordis mei offero me ipsum tibi hodie in servum sempiternum, in obsequium et Sacrificium laudis perpetuae. Suscipe mecum sancta Oblatione tui pretiosi Corporis et Sanguinis, quam tibi hodie in praesentia Angelorum invisibiliter assistentium offero; ut sit pro me et pro cuncto populo tuo in salutem. Domine, offero tibi omnia peccata et delicta mea, quæ commisi coram te et Angelis tuis a die, qua primum peccare potui usque ad diem hanc super placibili Altari tuo; ut tu omnia pariter incendas et comburas igne charitatis tue, et deles universas maculas peccatorum meorum, et conscientiam meam ab omni delicto emundes, et restituas mihi gratiam tuam, quam peccando amisi; omnia mihi plane indulgendo et in osculum pacis me misericorditer assumendo. Quid possum agere pro peccatis meis, nisi humiliter ea confitendo et plorando, et tuam propitiationem incessanter deprecando! Deprecor te, exaudi me propitius, Deus meus. Omnia peccata mea mihi maxime displicent: nolo ea

umquam amplius perpetrare; sed pro eis doleo et dolebo, quamdiu vixero, paratus penitentiam agere et de eis pro meo posse satisfacere. Dimitte mihi, Deus, dimitte peccata mea. Propter nomen sanctum tuum salva animam meam, quam pretioso Sanguine tuo redemisti. Ecce committo me misericordiae tue; resigno me in manibus tuis. Age mecum secundum bonitatem tuam, non secundum meam malitiam et iniquitatem. Offero etiam tibi omnia bona mea, quamvis valde pauca et imperfecta; ut tu ea emendas et sanctifices, atque grata habeas tibique accepta facias, et semper ad meliora trahas, necnon ad beatum et laudabilem finem me pigrum et inutili homuncionem perducas. Offero quoque tibi omnia desideria devotorum, necessitates parentum, fratribus, propinquorum, amicorum, omniumque charorum meorum, et eorum qui mihi vel aliis propter amorem tuum benefecerunt, et qui orationes et Missas pro se suisque omnibus dici a me desideraverunt et petierunt; sive in carne adhuc vivant, sive jam saeculo defuncti sint: ut omnes sibi auxilium gratiae tue, opem consolationis, protectionem a periculis, liberationem a periculis advenire sentiant, et ut ab omnibus malis erepti, gratias tibi magnificas leti persolvant. Offero etiam tibi preces et Hostias placationis pro illis specialiter, qui me in aliquo læserunt, contristaverunt aut vituperaverunt vel aliquod damnum et gravamen attulerunt. Pro his quoque omnibus, quos aliquando contristavi, conturbavi, gravavi et scandalizavi verbis, factis, scienter vel ignoranter; ut nobis omnibus pariter indulgeas peccata nostra et mutuas offensiones. Aufer, Domine, a cordibus nostris omnem suspicionem, indignationem, iram et dissensionem, et quidquid potest charitatem lædere et fraternalm dilectionem minuere. Miserere, Domine Iesu Christe, misericordiam tuam poscentibus; da gratiam indi-

gentibus ; et fac nos tales existere, ut simus digni gratia tua perfaci, et ad vitam proficiamus æternam. Amen.

**Oratio ad B. M. V.**

O piissima Virgo, quæ *Speculum justitiae* vocaris et es, mihi peccatori, qui toties injuste egi, remissionem impetrâ omnium delictorum, ut cœtra reatum ad sanctum Domini Altare accedam, et ex sancto Sacrificio, a me nunc offerendo, zelum pro gloria Dei Exercituum, pro mea sanctificatione et pro animarum mihi commissarum salute haurire merear. Amen.

**Oratio ad Sanctos.**

Ad vos, o S. Angele Custos, S. Joseph, SS. Patro- ni mei N. N. et Sancte N. suppliciter recurro, ut gratiam mihi obtineatis, quatenus ea, qua decet, cordis munditia ter venerandum Missæ Sacrificium pro meis et totius mundi peccatis offerre, et fructus intentos pro me et omnibus, pro quibus sacrificare propono, ex illo valeam percipere. Amen.

**DIES XIII.**

**POST MISSAM.**

**Oratio Eucharistica.**

Gratias tibi ago, Deus, gratias tibi ago, vera Vita viventium, Spes æterna credentium, Jesu Christe, Redemptor alme, qui solus es adorandus, amandus et laudandus, qui facis mirabilia solus. Qui propter nos pauperes consolando, quos in hac miseriariarum valle tamquam peregrinos et orphanos reliquisti, per ministerium Sacerdotis et per verba ex ejus ore in

nomine tuo prolata, aperis cœlos, et descendis et implex animas nostras benedictione. Qui non degnaris manibus hominis attractari, benedici et conse- crari in nostram salutem. Ille suo ministerio foris exhibet signa Sacramenti ; sed tu Deus invisibilis manens, ipse facis opera. Tibi ergo, Domine, Deo nostro magno et immenso, æterno et excelsø, tibi laus, tibi gloria, tibi gratiarum actio nunc et in perpetuum. Qui hoc ipsum incomprehensibile Mysterium imminentे articulo salutiferæ Passionis tuæ tam gratuita pietate discipulis tradidisti. Qui misericordia motus, et affectu paterno eos allocutus es, dicens : « Desiderio desideravi hoc Pascha manducare vobiscum antequam patiar. » Ac si dices : Desiderio desideravi meipsum tradere vobis. Deinde offerens teipsum mirabiliter manibus tuis sacrosanctis protestatus es dicens : « Hoc est Corpus meum, Hic est Calix Sanguinis mei. » Hoc accipite in vestram salutem quotiescumque sumpseritis; hoc quoque facite in meam commemorationem et in memoriam dilectionis, qua vos dilexi, dum meipsum pro vobis reliqui pigius salutis. O inæstimabilis dilectio charitatis tuæ, Domine Jesu Christe, ut nos indignos Patri tuo reconciliés, teipsum exhibes Victimam salutarem. Igitur immensam misericordiæ tuæ clementiam suppliciter exoro, quatenus hoc summæ charitatis et dilectionis tuæ Sacramentum mihi cunctisque fidelibus tuis sit contra omnium peccatorum nostrorum vulnera efficacissimum medicamentum, ac omnis virtutis et gratiæ complementum ; sit contra omnia mala validissimum tutamentum et æternæ beatitudinis solidissimum fulcimentum. Mi Domine Deus, te deprecor per Sanctam Eucharistiam, ut a peccatis emundatus, merito fecundatus, fine bono consummatus tecum sim sine fine beatus. Oro te quoque, Amantissime Jesu, pro omnibus curæ meæ commissis, pro omnibus fa-

miliaribus, et pro omnibus benefactoribus meis ; ut per adjutricem hujus Sacramenti virtutem adjuves et dirigas eos ad æternam salutem. Deprecor te similiter pro omnibus mihi aliquando in orationibus commissis, ut per confirmatricem hujus Sacramenti virtutem eos confimes et munias ad æternam salutem. Precor te, benignissime Deus, pro peccatoribus universis : ut per reparatricem hujus Sacramenti virtutem repares et confimes eos ad æternam salutem. Tandem oro te, mi Domine Jesu Christe, pro omnibus Fidelibus defunctis : ut per liberatricem hujus Sacramenti virtutem liberes eos atque perducas ad æternam salutem. Amen.

Anima Christi, etc. pag. 45.

### Adoratio SS. Sacramenti.

Consummatum est, o Domine Deus, opus remissivum meorum et totius mundi peccatorum. Sacrificium salvificum animarum nostrarum. Laudetur igitur sanctissimum Sacramentum, Jesus Christus, Filius æterni Patris, verus Deus et Homo, pro me olim natus, passus, crucifixus et mortuus, et nunc sub speciebus Panis et Vini in cor meum ingressus ; quem non equidem fallibilibus et infirmis sensibus meis comprehensum, sed infallibili vive fidei lumine agnitus pro tanta dignatione et amore incessabiliter laudo, infinites adoro, desideratissime benedico et ardentissime super omnia amo. Sit tibi, Domine, pro hoc summo beneficio a me et omnibus creaturis tuis ; imo quia haec non sufficiunt, a tua infinita perfectione, æterna benedictio, claritas, gratiarum actio, honor, virtus et fortitudo in sæculorum sæculorum. Amen.

### Ex Jubilo S. Bernardi.

Jesu, dulcis memoria,  
Dans vera cordis gaudia,  
Sed super mel et omnia,  
Ejus dulcis præsentia.  
Nil canitur suavius,  
Auditur nil jucundius,  
Nil cogitatur dulcior,  
Quam Jesus, Dei Filius.  
Jesu, Rex admirabilis,  
Et triumphator nobilis,  
Dulcedo ineffabilis,  
Totus desiderabilis.  
Quem prosequamur laudibus,  
Votis, hymnis et precibus :  
Ut nos donet cœlestibus,  
Secum perfrui sedibus.

### Oratio ad B. M. V.

O Virgo Maria, Speculum justitiae, quæ semper ea quæ Domino placita sunt fecisti, auxiliare mihi, ut, cibo cœlesti confortatus, cuncta semper peccata et peccatorum occasiones vitare, virtutes sublimi meo statui congruentes exercere, et Sacerdotalia mea munia zelose usque obire valeam. Amen.

### Oratio ad Sanctos.

Sacramento, quæ sumpsi, Domine Deus meus, cor et corpus meum ab omni sorde peccati purifcent, me contra relapsum munitant et in via salutis stabiliant ; ut in sanctitate et justitia ambulem coram te omnibus diebus meis ; hoc rogo te per intercessionem S. Angeli Custodis, S. Joseph, SS. Patronorum meorum N. N. et Sancti N. cuius hodie solemnia celebramus. Amen.

## DIES XIV.

### ANTE MISSAM.

Sacerdotes, antequam celebrent, se colligant, et orantes mentem in tanti Mysterii cogitationem defigant. (S. Car. Conc. Mediol.) Dicant propterea cum Sancto Bernardo : Curæ, sollicitudines, servitutes expectate me hic, donec illuc cum ratione et intelligentia mea properantes, postquam adoraverimus, revertamur ad vos ; revertemur enim et quam cito revertemur. (S. Bern. de am. Dei.)

### Oratio præparatoria.

Domine, non sum dignus, ut sub tectum meum intres, et in me velut sordido stabulo habites ac re quiescas. Quoniam vero in hoc Sacramento Deus et Homo manes absconditus, et sub specie Panis a peccatoribus etiam infimis tangi et manducari voluisti: propitius esto mihi, qui ad Mensam tuam invitatus, licet indignus accedo, et eum fructum sentire desidero, de quo ipse dixisti : « Qui manducat meam Carnem et bibit meum Sanguinem, in me manet et ego in eo. Qui manducaverit ex hoc Pane, vivet in æternum. »

Esto igitur mihi iste Panis, qui dat vitam mundo, et in hac vita peregrinantes sustinet et omne bonum gentibus præstat. Sit mihi Corporis et Sanguinis tui sumptio tam salutaris et efficax, ut cor meum in timore tuo hoc Pane Sanctissimo reficiatur atque in omni gratia mihi necessaria confirmetur. O Jesu ! Manna dulcissimum, me famelicum pasce. Tu Panis de celo descendens et mundo vitam præstans, in me, mortem promerente, operare vitam. In periculis,

in tenebris, in afflictione versor ; Tu laborantem, ut promisisti, excipe. Tu domum meam, sicut Zachei, qui te gaudens excepit, visita cum nova benedictione ; ut totus renovatus tecum conjunctissime vivam, qui mihi omnia in omnibus esse decrevisti. Eu tu mihi et ego tibi mane in me semper, Jesu dulcissime spes, fortitudo et salus mea sempiterna. Amen.

### Directio intentionis.

Pater cœlestis, clementissime Pater misericordiarum, suscipe hodie per manus servi tui hoc sacrosanctum Sacrificium, verum Corpus et Sanguinem Fili tui, Domine nostri Jesu Christi, in satisfactionem et remissionem omnium peccatorum meorum. In salutem et fortitudinem animæ meæ et omnium illorum, quibus aliqua obligatione teneor et omnium superiorum meorum : uteis gratiam Sancti Spiritus impertiri digneris ad salutem animarum suarum et regimen totius populi Christiani : et omnium peccatorum totius mundi, ut eos convertas et ducas ad viam salutis. In consolationem omnium tribulatorum, ut eis adjutorium et veram penitentiam tribuas. In refrigerium et liberationem omnium animarum existentium in Purgatorio, et maxime illarum, quæ a me auxilium jure expectant, et ad illuminationem et conversionem omnium gentium infidelium et hæreticorum et schismatistarum, ut cognoscant et ament te, summam Veritatem, Patrem omnipotentem, qui cum Filio et Spiritu Sancto es laudabilis Deus, et benedictus in sæcula sæculorum. Amen.

### Oblatio sui-ipsius.

O Deus, scrutator cordis mei, cupio sumere mirabile et cœleste Sacramentum Corporis et Sanguinis

tui omni, qua par est, reverentia, pietate et religio-  
ne, omni affectu, desiderio, et fervore Angelorum, at-  
que Electorum tuorum. Domine, ante te omne desi-  
derium meum; paratum cor meum, Deus, paratum  
cor meum. Offero tibi, totum cor meum et omnia.  
Desiderium pauperis exaudi; o Domine, præparatio-  
nem cordis mei audiat auris tua. Suppleat divina et  
immensa tua benignitas, quidquid humana mea non  
valet infirmitas. Amen.

#### Oratio ad B. M. V.

O Virgo Maria, quæ merito vocaris *Sedes Sapientiæ*, quia Sancti Spiritus donis ornata et æternæ Sapientiæ habitaculum effecta es: rogo te, ut illa dona mihi impetres, donum Sapientiæ et Intellectus, do-  
num Consilii et Fortitudinis, donum Scientiæ et Pie-  
tatis, et donum Timoris Domini, quibus donis cor  
meum pariter dignum Filii tui efficiatur habitacu-  
lum. Amen.

#### Oratio ad Santos.

Intercedite pro me, S. Angele Custos, S. Joseph,  
SS. Patroni mei N. N. et Sancte N., ut piissimo vestro interventu vestris virtutibus et meritis, vestro amore et ardore induar, et ita dignus reddar, qui hostiam puram, hostiam sanctam, hostiam immaculatam pro mea et totius mundi salute Domino Deo meo offeram. Amen.

#### DIES XIV.

##### POST MISSAM.

##### Oratio Eucharistica.

O Jesu, piorum cordium dulcedo, refice me tua suavissima praesentia, exuberantemque Sancti Spiritus gratiam, simul et gaudium ac consolationem tecum in tabernaculum cordis mei, ad quod ingressus es, afferre non dedigneris. Tu diligenter et sermones tuos servantis promisisti, quod ad eum venies et mansio-  
nem apud eum facies; quomodo non idem presta-  
bis teipsum in penetralia cordis sui introducenti? Hoc ego nunc de tua misericordia confusus feci. Fac et tu, o bone Jesu, quod promisisti. Veni. Mane in me, o Salvator misericordissime, qui stans ad ostium cordis nostri et pulsans promisisti ei, qui tibi aperuerit, quod intrabis ad illum, et cenabis cum illo et ille tecum. Ecce ego, Domine mi, aperui tibi cubiculum animæ meæ. Ingressus igitur domum servi tui, semper in ea requiesce. Da animæ meæ tecum in dulcedine spiritus epulari; et sicut de Zachæo hospiti tuo olim dixisti; dic idem et de animæ meæ domicilio: Hodie huic domui salus facta est. Et qui dixisti; qui manducat meam carnem et bibit meum sanguinem in me manet et ego in illo; et qui manducat me et ipse vivet propter me; da mihi, Domine, per hanc Corporis et Sanguinis tui susceptionem perpetuo in te manere et propter te vivere; ita ut in æternum a te non separer, neque per mortem peccati umquam amplius a te divellar. Amen.

**Oratio**

QUA PETITUR UNIO ANIMA CUM CHRISTO.

Gratias tibi ago ex toto corde meo, bonitas effusissima, abyssus infinita misericordiae, qui tam indigeni servo tuo omne bonum in teipso conferre, et tam indigno peccatori fructum Passionis per Corporis et Sanguinis tui sumptionem tam amanter applicare voluisti. Gratias ago tibi de tanto et tam singulari beneficio et de charitate illa inestimabili, cum qua id mihi contulisti. Precor eamdem bonitatem tuam, ut tu ipse dona tua in me conserves et angeas ad honorem et gloriam tuam; sollicitam sensum, linguam et cogitationum custodiam mihi tribuendo; ut ita in me nihil tibi displiceat. Da mihi strenue operari, ex puro et ferventi amore tuo, quæ ad honorem tuum et animarum salutem peragenda video. Concede, ut in cunctis meis actionibus tibi placeam, et ut numquam a me separari velis, qui tam dignanter et intime te mihi conjunxisti; donec in unione beatissimæ glorie tuæ tibi inseparabiliter et æternaliter adhaeram. Amen.

**Alia oratio ad Jesum.**

Hæc sunt convivia, quæ tibi placent, quæque nobis orphanis in memoriam tuæ dilectionis reliquisti. O Patris sapientia, natus de Virgine, qui non es dignatus venerabile Corpus tuum tangi et sumi a me indigno peccatore, quid tibi digne reddam pro omnibus quæ retribuisti mihi? si enim totius mundi merita in unum essent congesta non valerent tuæ dignationi aliquatenus comparari. Gratias ergo ago tibi, Domine Iesu Christe, Fili Dei vivi, Rex regum et Dominus dominantium, et gratiarum actiones pro

posse fragilitatis meæ tuæ tremenda Majestati et immensæ pietati refero, quod sacro Corpore tuo et Sanguine animam nimis aridam dulciter refecisti. Rogo te, ut quidquid in me vitiosum ac tuæ voluntati contrarium invenitur, communione hujus Sacramenti funditus evanescuerit, et eorū meum dignum Sancti Spiritus præparetur habitaculum. O Dulcissime Jesu, sit hoc Sacramentum Corporis et Sanguinis tui sanitas et dulcedo animæ meæ, salus et sanctitas in omni tentatione, pax et gaudium in omni verbo et opere solamen et tutela finalis in morte. Amen.

Anima Christi, etc. pag. 45.

**Oratio ad B. M. V.**

Sanctissima Virgo Maria, tu vere *Sedes Sapientiae* es, quæ sola cœlestia semper in votis habuisti; inclina aures benignitatis tuæ ad preces meas, et fac, ut exemplo tuo edocitus, per continuam legis Domini meditationem et sanctæ orationis exercitium, mundana cuncta despicerem et sola illa, quæ Dei sunt, sapere discam. Amen.

**Oratio ad Santos.**

Respic in me oculis misericordiae tuæ, Domine Iesu-Christe, et quem sacris Altaribus adstare voluisti tuique nominis laudare potentiam, per hæc sacra mysteria corroborata, ut, ascensiones in corde meo disponens, de virtute in virtutem progrediar; quæ ut mihi concedas, suffragia imploro S. Angeli Custodis, S. Joseph, SS. Patronorum meorum N. N. et Sancti N. cuius hodie memoriam recolimus. Amen.

## DIES XV.

### ANTE MISSAM.

*Prætulit nos Deus, o Sacerdotes, regibus et imperatoribus, prætulit Angelis (S. Bern. ad Past. in Syn.) Attendite ergo, et videte cuius ministerium vobis traditum est per impositionem manus Episcopi (Th. a Kemp. Lib. 4.)*

### Oblatio Sacrificii, quatenus Latreutici.

Sancta Trinitas, unus Deus, rerum omnium principium et finis, cuius potentia, sapientia, bonitas et magnitudo incomprehensibilis est, toto corde et corpore prostratus adoro te, tibique hodie Sacrificium offerre intendo Corporis et Sanguinis Domini mei Iesu Christi pure propter te, ad majorem tuam gloriam, in protestationem supremi dominii tui in omnes creaturas et nostræ subjectionis et dependentiæ a te. In recognitionem infinitæ tuæ perfectionis et in cultum latrictiæ tibi soli debitum, cum omnibus obsequiis, laudibus et adorationibus, quibus idem Jesus Christus, Filius tuus, te olim glorificavit in terris, una cum meritis, laudibus et adorationibus Beatissimæ Virginis Mariæ, omniumque Angelorum et Sanctorum.

### Quatenus Eucharistici.

Gratias tibi ago, Domine Deus, omnium bonorum fons et origo, pro maximis et innumerabilibus beneficiis tuis; pro quibus omnibus et singulis infiniti tibi et interminabilis gratiarum actio singulis momentis temporis et æternitatis debetur. Specialiter

autem gratias tibi hoc Sacrificio persolvere intendo propter magnam gloriam tuam, quæ tibi jure debetur propter infinitas tuas perfectiones et innumeratas et incomprehensibiles tuas erga nos misericordias. Pro immensis gratiarum opibus, quas Beatissimæ Virginis Mariæ, innumerabilibus Angelorum exercitibus, in genti Sanctorum et Electorum turbæ largitus es. Pro infinito amore, quo me es prosecutus, eligens me ante mundi constitutionem, ut sim sanctus et immaculatus in conspectu tuo; pro cunctis donis, quæ mihi contulisti, sed præcipue pro sublimissima Sacerdotali dignitate, ad quam me prorsus immerentem evehere es dignatus. Nominе ergo totius Ecclesiae Calicem salutaris hodie accipiam et Missæ Sacrificium tibi pro me et omnibus immolabo; ut tam digna victimæ de perceptis gratias exhibentes, beneficia potiora sumamus.

### Quatenus Propitiatorii.

Procidam coram te, Domine, cum tremore et rubore gravissima, onustus flagitorum meorum sarcina. Nec mea solum sed et totius populi peccata coram te porto; quia me pro omnibus legatione fungi jussisti, ut, quod illi prose non possunt, ipse tamquam mediator merear impetrare. Verumtamen quia nullum existat pretium, quo infinitæ bonitati tuæ offenditæ condigne satisfacere valeamus, nisi pretium Sanguinis Filii tui, Domini nostri Jesu Christi, ipsum tibi offero hostiam placationis sufficientissimam pro meis et totius mundi peccatis. Esto ligit placabilis supermultitudinem iniquitatum nostrarum et audi Sanguinem Filii tui dilectissimi clamantem ad te, non vindictam, sed veniam et misericordiam.

### Quatenus Imperator ii.

Cum autem infinita tua pietate et misericordia me indignum famulum tuum legatione apud te fungi voluisti pro omnibus hominibus, vivis atque defunctis; offero tibi, clementissime Pater, hoc tremendum Sacrificium, quod vim impetratoriam habet infinitam, pro singulorum necessitatibus et indigentias. Da Summo Pontifici nostro, cunctis Praelatis, Sacerdotibus omnibus, ut oves sibi commissas fideliter paucant fructu orationis, exemplo bona conversationis verbo prædicationis, subsidio charitatis. Illumina sapientia tua omnes reges et principes, cunctosque magistratus, ut justitiam fideliter administrent, pacem diligent, Ecclesiam venerentur. Effunde misericordiam tuam in gentes, quæ te non cognoverunt. Sanctifica Ecclesiam tuam, et libera eam de manibus inimicorum suorum, ejusque filios omnes ab omni malo tum corporis tum animæ præserva. Mihi indigne tuo Sacerdoti gratias necessarias, præcipue N. et N. largiri digneris. Custodi omnes mihi commissos et commendatos, in specie N. et N. pro quibus orare teneor; animabusque in purgatorio detentis præcipue animabus N. et N. requiem æternam concede. Per Christum Dominum nostrum. Amen.

### Actus Fidei, Spei, Charitatis et Contritionis.

Credo in te, Domine Jesu, quia es summa veritas; Spero in te, quia es infinita bonitas; Amo te quia es perfecta charitas. Doleo, quod umquam offenderim te per peccata mea, præsertim N. et N., præfero millies mori quam te adhuc per illa offendere.

### Oratio ad B. M. V.

O dulcissima Mater, quæ es Causa nostræ lœtitiae

nacendo, nosque protegendo, quæque æternum eris causa nostre lœtitiae in cœlo; misericordiae tuae oculos ad me converte, ut tua intercessione peccatorum meorum remissione percepta, lœtus in occursum Domini mei Iesu-Christi properem, et in sacra communione Corporis et Sanguinis ejus gustem, quam suavis sit Dominus. Amen.

### Oratio ad Sanctos.

Domine, Deus meus, non sum dignus, ut ad sanctum Altare tuum accedam, nec ut intres sub tectum meum, quapropter meritis et virtutibus S. Angeli Custodis, S. Joseph, SS. Patronorum meorum N.N. et Sancti N. me ornare digneris, ut ita gratia tua suppleatur, quod meis meritis noveris deesse, et dignus reddar, qui Hostiam salvificam pro mea et totius mundi salute tibi, Deo meo, offeram. Amen.

### DIES XV.

### POST MISSAM.

### Gratiarum Actio.

Quid retribuam Domino pro omnibus, quæ retribuit mihi? O Jesu mi infinite amabilis, totis votis desiderabilis, Deus meus, Amor meus! Unde mihi tam indigno servo tuo tanta dignatio? Liceat mihi modo res omnes creatas invocare, ut pro me et mecum tibi gratias agant ingentes, infinitas: aut certe liceat mihi cœlestes illos spiritus, tuis utique laudibus assuetos et peritos præcones compellare, ut inter amenissimas illas divinasque voces meam quoque quamvis ineptissimam commisceam, totoque cordis affectu concinam: Sanctus, Sanctus, Sanctus Domi-

nus Deus Sabaoth. Nimirum sanctificeris absque fine, et lauderis et exalteris ab omnibus super omnia, id que propter te et in eternum.

### Oratio ad Jesum.

Benignissime Jesu, gratias ago tibi, quod me hujus tui Sanctissimi Sacrificii nunc partipem fecisti, quo amarissimae passionis et mortis tuae memoriam innovavi. Fac, ovo, ut ejusdem Mysterii virtute et operatione in fide, spe, charitate et puritate mentis et corporis vivam et moriar, vitamque consequar æternam. Amen.

Anima Christi, etc. pag. 45.

### Invocatio Sanctorum

Kyrie eleison.

Christe eleison.

Kyrie eleison.

Christe audi nos.

Christe exaudi nos.

Pater de cœlis Deus, qui per cœternum Filium cuncta creasti, eumque pro mundi reparacione carnem suspicere voluisti : ut ego indignus Sacerdos ejusdem Filii tui Corporis et Sanguinis Sacrificium digne tibi et acceptabiliter semper offerre valeam, miserere mei.

Fili, Redemptor mundi Deus, qui Sacrificium istud in memoriam dolorosæ Passionis tue instituisti: ut ego ejusdem Divinissimi Sacrificii dignus semper minister inveniar, miserere mei.

Spiritus Sancte, Deus, qui Incarnationis Domini nostri Jesu Christi cooperator fuisti ; ut ego Corpus et Sanguinem ejusdem Domini nostri corde puro et incontaminato in Sacrificio digne semper offeram et sumam, miserere mei.

Sancta Trinitas, unus Deus, qui me indignum sacris Altaribus adstare voluisti, ad sancti Nominis tui laudandam potentiam: ut tuæ Majestati digne semper famulari, atque pro vivis et defunctis tuam clementiam exorare possim, miserere mei.

Sancta Maria, de cuius utero Dei Filius carnem suscepit, quam ego indignus offerre et sumere præsumpsi : ut salutaria hæc Mysteria efficiantur mihi salus et vita, ora pro me.

Omnessancti Angeli et Archangeli, qui Filium Dei, hominem factum, adorastis, jamque regnanti illi assistitis in cœlis : ut ego, qui ex ejus Altaris participatione Corpus et Sanguinem ipsius sumpsi, omni benedictione cœlesti et gaudio replear, orate pro me.

Sancte Joannes Baptista, qui Christi Domini corrugiam calceamenti solvere indignum te reputabas ; dignus tamen ab ipso habitus fuisti qui sacrum ejus verticem contingeres : ut ego hæc salutis Sacramenta humiliter semper et digne tractare et sumere possim, ora pro me.

Sancte Joseph, qui Jesum in Bethleem natum et pannis involutum adorasti et sedulo postea custodisti: ut eundem Jesum, sub speciebus panis et vini latenter, et nunc in animam meam ingressum, adorem semper devote et in corde meo fideliter custodiam, ora pro me.

Omnis sancti Apostoli, quos Christus Jesus in ultima cœna Sacerdotes suos consecravit: ut gratiam per manuum impositionem mihi collatam non negligam, sed quotidie incremento debito augeam, orate pro me.

Omnis sancti Evangelistæ, qui Institutionis hujus sancti Sacrificii scripto testimonium reliquistis : ut ego plena fide, charitate ferventi et perfecta devotione semper Sacrificium hoc offerre possim, orate pro me.

Omnis sancti Martires, qui Christo, Regi martyrum, Corpus et Vitam suam in passione litanti, per vestri martyrii oblationem vicem rependistis: ut ego, hoc cibo confortatus, adversa omnia pro ipso patienter perferam, orate pro me.

Omnis sancti Pontifices et Confessores, qui digna sacrorum communione multiplicem a Deo benedictionem et vitam recepistis: ut meum hoc Sacrificium ipsi quoque sit acceptabile, mihiique et omnibus pro quibus illud obtuli propitiabile, orate pro me.

Omnis sanctae Virgines, quae per castitatis studium dignum Filii Dei habitaculum fuitis: ut et ego, separatis et expurgatis carnis concupiscentiis, gratum ei semper in anima mea exhibeam tabernaculum, orate pro me.

Omnis Sancti et Sancta Dei, qui beatifica jam visione aspicitis et adoratis, quem nos hic non nisi sub speciebus et quasi in ænigmate videmus: ut per salutiferum hujus Sacramenti usum vestro semel dignus consortio inveniar, orate pro me.

X. Panem de cœlo præstisti eis.

XI. Omne delectamentum in se habentem.

### Oratio.

Deus, qui nobis sub Sacramento mirabili Passionis tue memoriam reliquisti; tribue quæsumus, intercedentibus omnibus Sanctis tuis, ita nos Corporis et Sanguinis tui sacra Mysteria venerari, ut Redemptionis tuae fructum in nobis jugiter sentiamus: Qui vivis et regnas cum Deo Patre, in unitate Spiritus Sancti, Deus. Per omnia sæcula sæculorum. Amen.

### DIES XVI.

#### ANTE MISSAM.

Vos estis, o Sacerdotes, Christi vicarii, quia vicem ejus geritis. (S. Aug. Serm. 36 ad fratres.) Dei personam in terris gerentes. (Conc. Mediol.) Pro Christo legatione fungimur. (II. Cor. 5.)

#### Precatio ad Patrem.

Tibi, Pater colestis, humiliter supplico per eam charitatem qua in tantum dilexisti mundum, ut Filium tuum unigenitum pro ejus reparatione dares: qua etiam Patriarcharum et Prophetarum corda movisti, ut Filii tui dilectissimi adventum enixis precibus flagitarent; per hanc charitatem et illorum merita, lacrymas et desideria rogo, ut ad ejusdem Filii tui Sanctissima Sacra menta suscipienda et Sacrificium offerendum me præparare digneris; quatenus corde puro et ardentи desiderio illa digne conficere et suscipere merear, eamque mentis munditiem consequar, qua Filii tui Jesu templum gratissimum fieri possim.

#### Precatio ad Filium.

Tibi quoque, Jesu-Christe, supplico, ut qua charitate dignatus es in mundum venire, eumque per Sanctissimam tuam Mortem ab æterna morte eripere, me tuo nunc adventu vivifices, a maculis omnibus in tuo pretiosissimo Sanguine emundes et quidquid mihi deest ornamenti, clementer de tuo comunicare digneris, et tuis divitiis, divinisque Cordis

tui thesauris paupertati mæs subvenias; ut sancte ad tuum Altare accedam et te in cordis mei hospitio, bene ornato, ardenter ad meam salutem suscipiam et requiescere faciam: ut sit vicissim in te requies mea in sæculum sæculi.

### Precatio ad Spiritum Sanctum.

Tibi denique, Spiritus Sancte, supplico, ut qua charitate Apostolorum corda ad te recipiendum præparasti, et adveniens replevisti, eadem nunc cor meum inflamines et ita præpares, ut te toto corde totisque viribus amem, qui te nobis cum tanta dedisti charitate. Orna me tuis donis et gratiis, o Sanctissime Spiritus, meosque omnes occlude sensus et animæ potentias ab exterioribus revoca, ut Deo soli vacans, Sanctissimum Sacrificium pie et fervide offerre, et Panem Angelorum et Calicem salutis digne valeam degustare. Amen.

### Directio intentionis.

Omnipotens, sempiterne Deus, ego N., minister tuus licet indignissimus, tibi hoc mane augustissimum missæ Sacrificium offerre volo eadem intentione, qua Dominus meus, Jesus Christus, Sacrificium suum obtulit in Cruce; nempe in Sacrificium Latreuticum, Eucharisticum, Propitiatorium et Impetratorium. Simul offero omnia alia missarum solemnia et sancta opera, quæ hodie per totum mundum sicut orans et obsecrans, ut ea tibi sint grata et acceptabilia, et fructus optati ex illis nobis obveniant.

### Actus Contritionis.

O benignissime Creator cœli et terræ, Domine Deus

meus, ecce in conspectu Divinæ Majestatis tuæ et totius curiæ cœlestis ego indignus peccator confundor ac erubesco de omnibus iniquitatibus meis, quibus te, Deum meum omnipotentem, justum et misericordem, qui me ad imaginem tuam creasti, toties adoram concitavi. Ideo ex intimis cordis mei visceribus poenitet me et doleo vehementissime de omnibus mortalibus et venialibus meis delictis, cogitatione, verbo, opere, omissione, aut quovis alio modo commissis, ab illo instanti, quo primum peccare potui usque in præsentem diem. Doleo etiam, dulcissime Jesu, quod te tam benignum et misericordem Patrem et Redemptorem ausus fuerim tot enormibus culpis offendere; qui usque adeo me dilexisti ut pretiosum Sanguinem pro me effunderes et mortem ignominiosissimam sustineres. Utinam, o infinita Bonitas, te numquam offendissem quem ex intimis animæ medullis super omnia intensissime nunc diligo, et in vicem imperfecti doloris mei offero tibi amorosam illam contritionem, qua peccata sua defeverunt Sanctus Propheta David, Sanctus Apostolus Petrus, Sancta Maria Magdalena cum cæteris omnibus vere penitentibus, qui umquam fuerunt, sunt, et erunt usque ad consummationem sæculi. Et firmissime statuo, divina tua opitulante gratia, in qua omnem meam fiduciam colloco, nullum umquam post hac admittere peccatum. Amplius igitur lava me, Domine, ab iniuitate mea et a peccato meo munda me, ut mundus ab omni delicto ad sacri Altaris ministerium digne accedere valeam. Amen.

### Oratio ad B. M. V.

O Mater Dei et Virgo, quæ, quia gratia plena, omni sanctitudine conspicua, ac sanitatis operibus jugiter addicta, merito laudaris ut *Vas spirituale*, *Vas*

honorable, *Vas insigne devotionis*, adsis mihi propria, ut cor meum ab omni macula emundetur, et gratia sanctitatem et devotione decorum, fiat vas dignum, quod Dominum sanctitatis in se recipiat, atque continuo novis, iisque pretiosioribus, gratiae donis, ab ipso ornetur. Amen.

**Oratio ad Sanctos.**

Ingressurus ad Sancta Sanctorum te suppliciter oro, Domine Deus meus, ut intercessione S. Angeli Custodis, S. Joseph, SS. Patronorum meorum N.N. et Sancti N. illa pietate illoque fervore quibus ipsi erga te, in Sacramento vere, realiter et substantialiter praesentem, aestuant, sacra Mysteria celebrem, ut copiosum inde charitatis spiritum valeam percipere. Amen.

**DIES XVI.**

**POST MISSAM.**

**Adoratio ex B. P. Canisio.**

Ave verum Corpus, natum ex Maria Virgine; vere passum, immolatum in Cruce pro homine: cuius latus perforatum vero fluxit Sanguine. Esto nobis praegustatum mortis in examine. O clemens, o pie, o dulcis Jesu, fili Mariæ, miserere mei; et da, ut sicut te nunc videre et sumere merui sub forma panis, ita cum ad judicandum veneris, securus et gaudens te merear videre in gloria tuae majestatis et perpetuo perfri in regno æternæ claritatis; ubi cum Deo Patre et Spiritu Sancto vivis et regnas Deus in sæcula sæculorum. Amen.

Salve quoque nobilissime Sanguis, de latere Domini mei Jesu-Christi profuens et totius veteris et nova-

culpæ maculas diluens. Ablue, sanctifica, et custodi animam meam in vitam æternam. Sit mihi Sanguis tuus, Domine Jesu, in remissionem omnium peccatorum meorum, negligentiarum et ignorantiarum mearum, in robur et augmentum fidei, spei, charitatis et omnium virtutum; in salutem animæ et corporis, et adoptionem glorie æternae. Amen.

**Aspirationes ad Jesum.**

Imprime, obsecro Domine Jesu, in cor meum dulcem tui memoriam, ut igne amoris tui semper ardeam, tui desiderio æstuem et diluvio charitatis tuæ penitus absorbear. Penetret, quæso, hujus tui Sacramenti virtus omnia interiora mea, et quidquid in me pravum, quidquid vitiosum est, mortificet et eradicet. Quid enim mihi est in cœlo, Domine, et a te quid volui super terram! Tu es plenitudo mea, omnne bonum et omne desiderium meum. Fiat itaque, Domine, cor et corpus meum immaculatum in justificationibus tuis, ut non confundar. Amen.

Anima Christi, etc. pag. 45.

**Oratio ex Cone. Trid.**

Omnipotens, sempiterne Deus, per viscera misericordiæ tue te rogo et obsecro, ut nos omnes et singuli, qui Christiano nomine censemur, in hoc unitatis signo, in hoc vinculo charitatis, in hoc concordiæ symbolo jam tandem aliquando conveniamus et concordemus: memoresque tantæ majestatis et tam eximii amoris Domini nostri Jesu Christi, qui dilectam animam suam in nostræ salutis pretium, et Carnem suam nobis dedit ad manducandum, haec sacra mysteria Corporis et Sanguinis ejus ea fidei constantia et firmitate, ea animi devotione, ea pietate

et cultu credamus et veneremur : ut Panem illum supersubstantialem frequenter suscipere possimus. Et vere nobis sit Panis iste animæ vita et perpetua mentis sanitas, cuius vigore confortati ex hujus miserae peregrinationis itinere ad cœlestem patriam pervenire valeamus, eumdem Panem Angelorum, quem modo sub sacris velaminibus edimus, absque ullo velamine manducaturi. Per eumdem Christum Dominum nostrum. Amen.

### Oratio ad Cor Jesu.

O superdignissima Trinitas, te laudo, glorifico, et benedico, quod volueris nobilissimo Cordi Jesu mei, cui cor meum miserrimum nunc tam intime est unitum, multiplicita illa dona amoris, pietatis, misericordiae et gloriae, gratiarumque abundantiam conferre; orans, ut per illud ipsum supplere ac perfecte restaurare digneris quidquid mali commisi et quidquid boni neglexi. Amen.

### Oratio ad B. M. V.

O Virgo et Mater, quæ vere es. *Vas spirituale*, *Vas honorabile* et *Vas insigne devotionis*, pro me clienta tuo intercede, ut in carne terrestri vitam ducam cœlestem, et in spiritu orationis et devotionis quotidiano Eucharistiae usu jugiter proficiens, tandem merear immortalitatis stola vestiri et Sanctorum Sacerdotum, cum Christo in cœlis regnantium, consortio annumerari. Amen.

### Oratio ad Sanctos.

Intercedere pro me dignentur, Benignissime Deus, S. Angelus Custos, S. Joseph, SS. Patroni mei N.N.

et Sanctus N., ut cuncta illa beneficia tum temporalia tum spiritualia mihi et omnibus vivis atque defunctis obtingant pro quibus obtainendis hodie Sacrificium Corporis et Sanguinis Jesu-Christi adorandæ tue Majestati obtuli. Amen.

## DIES XVII.

### ANTE MISSAM.

Ipsis profecto sacerdotibus licet non tantum semel in anno ut olim, sed diebus singulis introire Sanctum Sanctorum, et tam pro seipsis, quam pro populi reconciliatione offerre hostiam. (S. Laur. Just. de inst. præl. c. 10). Tria sunt, quæ celebraturus intendere debet, scilicet Deum colere, Christi mortem memorari, et totam Ecclesiam juvare. (S. Bernar. de præp. ad miss.)

### Oblatio Sacrificii.

Domine, Jesu Christe, qui Carnem et Sanguinem tuum in vovi Testamenti Sacrificium, nobisque in cibum et potum præparare dignatus es, in eorumque oblatione et sumptione Passionis et Mortis tuæ memoriam recoli voluisti : da mihi gratiam, ut huic Sanctissimæ voluntati tuæ satisfacere, uberesque hujus Sacrificii simul et Sacramenti, quod ad intentionem N. et N. offerre propono, fructus percipere valeam ; qui vivis et regnas cum Deo Patre, in unitate Spiritus Sancti, Deus. Per omnia sæculorum. Amen.

### Oratio pro seipso Sacerdote.

Deus, qui de indignis dignos facis, de peccatoribus justos et de immundis mundos, munda cor et corpus